



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

De Potestate Iudicivm Secvndo.

urn:nbn:de:hbz:466:1-15588

ANNO
CHRISTI
1179.

cestum commisit, nec viro suo coniungi carnaliter, nec eo uiuente, cum alio matrimonium inire valebit.

CAP. VII.

Item Hadrianus papa Eberardo Magdeburgensi archiepiscopo.

Dignum est & a ratione non discordat, quod ea quæ inter se dubietatis scrupulum videntur continere, ad apostolicæ sedis iudicium referantur, vt inde Christi fideles in dubiis certitudinem se gaudeant inuenire, vnde noscuntur magisterium fidei suscepisse. Tua nos fraternitas de seruatorum coniugiis, quæ inuitis & contradicentibus dominis contrahuntur, quid fieri debeat, ab apostolatu nostro, si bene meminimus, requisit; super quo vtique diximus respondendum. Sane iuxta verbum Apostoli, prout tua discretio cognoscit, in Christo Iesu nec liber nec seruus est, qui a sacramentis ecclesiasticis sit amouendus, ita quod inter seruos matrimonia nullatenus debeant prohiberi: & si dominis inuitis & contradicentibus contracta fuerint, nulla ratione propter hoc sunt ecclesiastico iure dissoluenda: debita tamen & consueta seruitia non ex hoc minus sunt propriis dominis exhibenda.

*Galat. 3.
Coloss. 3.*

CAP. VIII. *Idem ex Concilio Triburiensi.*

De Francia quidam nobilis homo mulierem de Saxonia lege Saxonum duxit in vxorem, tenuit multis annis, & ex ea filios procreauit: verum quia non eisdem vtuntur legibus Saxones & Franci, causatus est, quod eam non sua, id est, Francorum lege desponsauerit, vel acceperit, vel dotauerit: dimissaque illa, duxit alteram. Diffiniuit super hoc sancta Synodus, vt ille transgressor euangelicæ legis subiiciatur pœnitentiæ: a secunda coniuge separetur, & ad priorem redire cogatur.

*Cap. 39.
Conciliū
Tribur.*

DE POTESTATE IVDICVM.

PARS
XLVI.

CAP. I. *Idem episcopo Lucensi.*

CVM te consulentem postulas edoceri, vtum ad te pertineat, sententiam quam in causis iudices a nobis in tua prouincia delegati protulerint, confirmare, licet de ipsis causis nihil in præsentia tractatum sit, respondemus,

Tttt iij

quod sententiam ipsam non teneris, si nolueris, confirmare. Sed id tibi ex officio tuo noueris imminere, vt si ad eorum mandatum iudicium non possit executioni mandari, eis præbeas auxilium & fauorem: & ipsam, si noueris rationabiliter promulgatam, poteris confirmare.

CAP. II. *Idem.*

Si super causa quæ tibi ex nostra delegatione committitur a personis ecclesiasticis vna vel pluribus, quibus, vt parcas laboribus partium & expensis, cognitionem ipsius causæ & testium examinationes, tibi sententia reseruata, committas, appellatio fuerit interposita, appellationis intuitu causam indefinitam relinquere non teneris.

CAP. III. *Idem * Exoniensi episcopo.*

Suggestum est auribus nostris, quod clericus A. nomine, in sacerdotio genitus fuerit ex incestu, & pro persona personatum ecclesiæ de * Bradenar, in qua pater eius ministravit, quod sibi non licuit, matrimonium contrahere de quadam temeritate præsumpsit. Ceterum quia causam super crimine non consueuimus alicui committere, nisi primo comparerent in nostra præsentia, qui personam illam super eodem crimine vellent impetere, causam ipsam tibi iudiciario ordine non * commisimus terminandam: discretioni tuæ, &c. quatenus rei veritate diligenter inquisita & cognita, si tibi constiterit, publicum & notorium esse, quod est de iam dicto clerico nobis propositum, maxime de matrimonio contracto, (quod si verum est, te latere non poterit) eum a præscripta ecclesia, auctoritate nostra, appellatione remota, non differas perpetuo amouere.

Intra parte
ultima c. 38.
diffinitur
quid sit no-
torium.

CAP. IV.

*Idem abbati & conuentui maioris ecclesiæ Monasterii
& H. eorum clerico.*

Locus men-
dofus.

Iam pridem, sicut bene meminimus, recepta querela vestra a Cestriæ capellam de Herdelei, quam ad ecclesiam vestram de Estun asseuerastis iure parochiali spectare, contra iustitiam detinebant. Causam ipsam abbatibus Leicestriæ & Lilleshullæ commisimus terminandam: ita

ANNO
CHRISTI
1179.

quidem, quod si vterque interesse non posset, alter nihilo minus, adscitis sibi discretis & honestis hominibus, in negotii executione procederet. Accidit autem inopinato rerum euentu, sicut ex literis tuis & fratrum vestrorum, fili abbas, intelleximus, quod antequam partes in iudicio apparuissent, abbas vnus loci, * Lileshull scilicet, de presentia vita migravit, cui vir alter in breui prudens & religiosus succellit. Deinde abbas Leicestræ, qui prius mandato nostro partibus diem adagendum præfixit: habitoque consilio virorum prudentium & iurisperitorum, abbatem * Lileshull de nouo substitutum, porrecto illi mandato nostro, quia sub expressis nominibus locorum, & non personarum, commissio literarum a nobis emanauit, sibi socium adduxit: & sicut ex literis eorundem accepimus, cum vtraque pars legitime citata sæpius in eorum presentia consisteret, auditis rationibus & allegationibus hinc inde, productis & testibus idoneis, & eisdem de non tacenda veritate iuratis, eaque diligenter inquisita, & cognita, cum de iure matricis ecclesiæ de Estun eis plenarie constaret, accepto multorum virorum legitimorum & approbatorum, tam laicorum quam clericorum testimonio, prædictam capellam de Herdeleia, ecclesiæ de Estun prudentium virorum consilio adiudicauerunt. Venerabilis etiam frater noster VVigorniensis episcopus, qui tunc presentens aderat, eorum sententiam executioni mandauit, & monachos tuos, fili abbas, qui ibi aderant, & te quoque, fili H. procuratorum negotii in præscripta ecclesia, quæ in eiusdem episcopi diocesi consistit, in corporalem per officiales suos possessionem introduxit. Quia igitur lites siue controuersia, quæ concordia vel iudicio finiuntur, in recidua contentionis scrupulum non debent iterum aliquatenus redigi, presentis scripti patrocinio eam vobis confirmamus, &c.

C A P. VI. *Idem Senonensi archiepiscopo.*

Ex transmissa nobis insinuatione G. & B. V. & vni. militum, intelleximus, quod cum R. de Canuill. eos super quadam possessione ante venerabilem fratrem nostrum * Veren. episcopum traxisset in causam, nobilis comes C. de Capra, eorum dominus, a quo possessiones tenebant, sub debito

* Trecent.

* Meten.

fidelitatis inhiuit, ne in iudicio ecclesiastico de sæculari feudo responderent. Itaque præfatus episcopus in eos velut contumaces, executionis sententiam promulgauit, &c. *Et infra:* Mandamus quatenus præfatos milites ab excommunicatione, contradictione & appellatione cessante, absoluas, &c. *Et infra:* Deinde causam per dominum fundi iubeas terminari: & si ipse malitiose quid distulerit, tu ei, sublato appellationis diffugio, debitum finem imponas.

ANNO
CHRISTE
1175PARS
XLVII.

DE IVRE PATRONATVS.

CAP. I.

Idem Cantuariensi episcopo.

DE iure patronatus capellæ de Stretton, hoc tuæ discretioni mandamus, vt si * R. Brito ipsum comparauit, cum inconueniens sit & inhonestum vendi ius patronatus, contractum illum, sublato appellationis remedio, irritum denunties & inanem, ipsumque, fretus auctoritate apostolica, non differas reuocare.

CAP. II. *Idem Bathoniensi episcopo.*

Dilectus filius noster nobilis vir comes S. transmissano bis insinuatione monstrauit, quod dum illustris rex Scotiae patrimonium suum detinisset occupatum, quibus voluit, & prout voluit, ecclesias, quarum gerebat patronatum, eo inconsulto concessit. Quoniam igitur ex iniuncti nobis officii debito tenemur vnicuique iura sua integra seruare, nolentes etiam quod præfatus comes occasione tali ius patronatus amittat: fraternitati tuæ, &c. quatenus rei veritate diligenter inquisita, si ita esse tibi constiterit, intrusos amoueas: & si idoneæ personæ ab eo qui ius patronatus & præsentandi personas habet, ad præscriptas ecclesias fuerint præsentatæ, & personas ipsas de consensu & consilio prælatorum, quorum interest, de præscriptis ecclesiis, contradictione & appellatione cessante, inuestiges, nec ipsas contra formam iuris exinde a quoquam grauari permittas.

Idem